



Illustrations from Getty Images

# HAU SPIRIT KEN (NA BAI) HALIVIM YU LONG MINISTA

*Dispela ol prishud wok long minista, i go long man na meri tu, bungim wantaim dispela pawa long kisim revelesen.*

Dispela singaut long minista na sev na long lav tu olsem Sevia bin wokim inap long sampela taim luk olsem em i salens—long taim em i nidim yumi long putim han go aut long ol dispela lain yumi no save gut tumas long ol. Wantaim planti milion wei long minista, yumi save laik long save hau yumi inap long save long wanem ol gutpela moa wei long putim han i go aut long ol dispela lain yumi kisim long wok wantaim ol.

Yumi no nid long laik save longpela taim long wanem ol trupela hat wok bilong yumi Holi Gos bai soim.

“Sekret ministering wok bilong yu bai givim yu dispela sekret pawa long wei bilong litimapim tingting,” Sista Bonnie H. Cordon, Jenerol Presiden bilong ol Yangpela Meri i tok. “Yu inap long painim dispela wei bilong litimapim tingting wantaim bilip long yu yet.”<sup>1</sup>

Taim yumi wok long painim wei long sev olsem Sevia i bin wokim, wankain Spirit we i bin soim rot long Em i bai soim

rot long yumi. Dispela em i tru moa yet taim yumi sev long ol wok, olsem ministering, yumi kisim ananit long atoriti bilong ol prishud ki Bisop i holim. Long hia em sikspela aidia bilong ministering wantaim Spirit.

## Hau Mi Ken Gat Spirit Taim Mi Wok Long Minista?

- **Askim long Kisim Kaunsel** Papa long Heven i laikim yumi long toktok wantaim em thru long preya. Preya i no larim yumi kam klostu moa long Em tasol, tasol em i banisim tu ol “blesing we God i laik pinis long givim tasol i sanap antap long sampela samting long askim bilong yumi long ol.”<sup>2</sup> “Taim yumi prei na painim long save gut long bel bilong ol,” Sista Cordon i tok, “Mi testifai olsem Papa long Heven bai direktim yumi na Spirit bilong Em bai go wantaim yumi,”<sup>3</sup>

- **Noken Wet long Wanpela i Tokim Yu long Wokim** Go het na wokim. Stap “na bisi long wokim samting” (Doktrin na ol Kavanen 58:27), na yu bai painim olsem bai yu kisim kaunsel long ol hat wok bilong yu na bai yu megnifaim ol. “Go het wantaim ol sevis na wok bilong yumi em i wanpela impoten wei long redim yumi long revelesen,” Presiden Dallin H. Oaks, Nambawan Kaunsel long Nambawan Presidensi i tok. “Long stadi bilong mi long ol Skripsa mi lukim olsem planti long ol revelesen long ol pikinini bilong God i save kam taim ol i wok long wok stap, i no taim ol i sindaun tasol long ples bilong ol na wetim long Bikpela long tokim ol long wanem nambawan step long kisim.”<sup>4</sup>

### Hau bai Mi Luksave long ol Tingting long Minister?

- **Kisim Kaunsel bilong Momon.** Yumi i no nid long sindaun nating tasol na wari nambaut long sapos dispela tingting em i wanpela i tokim yu o nogat. I no taim yumi gat isi ki bilong Momon long save: Sapos yu i gat tingting em i tokim yu long wokim gutpela samting na long bilip o long halivim ol narapela long bilip long Krai, yu i ken save em i kam long God (lukim Moronai 7:16).
- **Noken Wari long En.** “Kalap tasol i go insait long wara na swim,” Elder Jeffrey R. Holland bilong Kwarum bilong ol Twelpela Aposol i tok. “Go het long olsem long lain i gat nid. Noken kamap olsem man i no inap long muv na wok lok laik save sapos yu i mas wokim wanpela swim go bek o wanpela swim olsem dok. Sapos yumi bihainim ol as tingting olsem ol i tisim yumi, stap stret wantaim ol prishud ki, na wok long painim Holi Spirit long soim rot long yumi, yumi i no inap long feil.”<sup>5</sup>

### Wanem em Nambawan Wei Stret long Bihainim wanpela Tingting?

- **Stret Wei.** Sista Susan Bednar (meri bilong Elda David A. Bednar bilong Kwarum bilong ol Twelpela Aposol) i wanpela bikpela eksampol long bihainim ol tingting. Elda Bednar i sherim olsem, bihain long prei “long ai bilong spirit long lukim ol dispela lain husat i gat nid,” em i save lukluk raun long ol lain insait long haus lotu na planti taim “save pilim wanpela liklik tas long visit wantaim o mekim wanpela fon kol long wanpela man o meri,” “Na taim Sista Bednar save kisim dispela kain filing, em i save kwiktaim bekim na harim tok. Em i planti taim olsem bihain tasol long ‘amen’ i pinis long benediksen, em bai toktok wantaim wanpela yangpela o holim pas wantaim wanpela sista or, bihain tasol long kamap long haus, kwiktaim bai kisim fon na mekim wanpela fon kol.”<sup>6</sup>
- **Long Strong Long Bungim Pen Long Taim Nogut.** Poret long pasin bilong tanim baksait na filing bilong sem, filing olsem yu no inap, o olsem yu bai givim problem inap long

stopim yumi long bihainim wanpela tingting long minista. “Long kainkain taim na kainkain wei, yumi olgeta save pilim olsem yumi i no inap, no save gut, ating pilim tu olsem yumi i no gutpela inap,” Elda Gerrit W. Gong bilong Kwarum bilong ol Twelpela Aposol i tok. “Tasol long ol feitul hat wok bilong yumi long lavim God na long minista long ol neiba bilong yumi, yumi inap long pilim lav bilong God na nidim wei bilong litimapim tingting long laip bilong ol na bilong yumi long ol nupela na moa holi wei.”<sup>7</sup> Wanpela brada i sherim hau em i bin gat tupela tingting long putim han i go aut long man bilong wanpela meri husat i bin laik long kilim em yet. Tasol bihain tru em i bin askim dispela man long go long kaikai long belo wantaim em. “Taim mi tok, ‘Meri bilong yu i laik kilim em yet. Dispela i bin mas traipela samting moa yet long yu. Bai yu laik toktok long en?’ em i krai tasol, brada hia i sherim. “Mitupela i bin gat wanpela toktok we i gat gutpela bel na klostu stret long lewa na kamapim wanpela gutpela pasin bilong poroman na tras long liklik taim tasol.”<sup>8</sup>

### EKSAMPOL BILONG SEVIA

Sevia i bin redi long Ministry bilong Em. “God i makim olsem nambawan Jisas bilong Nazareth wantaim Holi Gos,” na bihain Krai “i go aut na wokim gutpela wok” (Acts 10:38). Em i bin “pulap long Holi Gos” na i bin planti taim “Spirit i bin go pas long em” (Luk 4:1). Tru tru Krai i bin go raun na wokim ol gutpela samting bipo long em i kisim Holi Gos, tasol long kisim Holi Gos na gat dispela pawa long wei long litimapim tingting i bin wanpela impoten hap long ministry bilong Em—olsem tasol em i impoten hap long ministry bilong yumi.

### INVITESAN LONG MEKIM SAMTING KAMAP

Taim yu wok long wokim ol ministering bilong yu long wanwan de, prei long painim na bekim ol tingting yu wok long kisim long Holi Gos. Tingim olsem Papa long Heven bai blesim yu na ol dispela lain yu wok long minista long ol taim yu wokim!

#### OL NOUT

1. Bonnie H. Cordon, “Becoming a Shepherd,” *Liahona*, Nov. 2018, 76.
2. Bible Dictionary, “Prayer.”
3. Bonnie H. Cordon, “Becoming a Shepherd,” 76.
4. Dallin H. Oaks, “In His Own Time, in His Own Way,” *Liahona*, Aug. 2013, 24.
5. Jeffrey R. Holland, “The Ministry of Reconciliation,” *Liahona*, Nov. 2018, 77.
6. David A. Bednar, “Quick to Observe,” *Liahona*, Dec. 2006, 17.
7. Gerrit W. Gong, “Our Campfire of Faith,” *Liahona*, Nov. 2018, 42.
8. Lukim Bonnie H. Cordon, “Becoming a Shepherd,” 76.